

家庭醫國錄二種

二



家居醫錄內科卷下目錄

脾腎虧損頭眩痰喘等症

肝腎虧損血燥結核等症

脾腎虧損小便不利肚腹膨脹等症

脾胃虧損暑濕所傷等症

四附食生
冷入房

肝脾腎虧損頭目耳鼻等症

五

脾肺腎虧損小便自遺淋瀝等症

六

脾肺腎虧損虛勞怯弱等症

七

脾肺腎虧損遺精吐血便血等症

八

肝脾腎虧損下部瘡腫等症

九



脾肺腎虧損大便秘結等症十
各症方藥十一

目錄畢



北京中醫藥大學圖書館版權所有
1994

家居醫錄

內科摘要卷下

吳郡立齋薛己

脾腎虧損頭眩痰氣等症一

閣老梁厚齋氣短有痰小便赤濇足跟作痛尺脉浮大按之則濇此腎虛而痰飲也用四物送六味丸不月而康仲景先生云氣虛有飲用腎氣丸補而逐之誠開後學之矇瞶濟無窮之天枉腎氣丸即六味丸也

都憲孟有涯氣短痰暈服辛香之劑痰盛遺尿兩尺浮大按之如無余以為腎家不能納氣歸源香燥致甚耳用八味丸料三劑而愈



北京中醫藥大學圖書館版權所有

孫都憲形體豐厚勞神善怒面帶陽色口渴吐痰或頭目眩暈或熱從腹起左三脉洪而有力右三脉洪而無力余謂足三陰虧損用補中益氣加麥門五味及加減八味丸而愈若人少有老態不耐寒暑不勝勞役四時迭病皆因少時氣血方長而勞心虧損或精血未滿而御女過傷故其見症難以悉狀此精氣不足但滋化源其病自痊又若飲食勞役七情失宜以致諸症亦當治以前法設或六淫所侵而致諸症亦因真氣內虛而外邪乘襲尤當固胃氣為主蓋胃為五臟之根本故黃栢知母不宜輕用恐復傷胃氣也大凡雜症屬內因乃形氣病氣俱不足當補不當

瀉傷寒雖屬外因亦宜分其表裡虛實治當審之

昌平守王天成頭暈惡寒形體倦怠得食稍愈勞而益甚

寸關脉浮大此脾肺虛弱用補中益氣加蔓荊子而愈後

因勞役發熱惡寒謔言不寐得食稍安用補中益氣湯

大尹祝支山因怒頭暈拘內筋攣時或寒熱日晡熱甚此

肝火筋攣氣虛頭暈用八珍加柴胡山梔牡丹皮二十餘

劑而愈

上舍顧桐石曾飲於周上舍第問余曰向孟有涯陳東谷

俱為無嗣納寵已而得疾皆頭暈吐痰並用蘇合香丸惟

有涯得生何也余曰二症因腎虛不能納氣而為頭暈不

能制水而為痰涎東谷專主攻痰行氣有涯專於益火補氣故耳後余應杭人之請桐石房勞過度亦患前症或用清氣化痰愈甚顧曰我病是腎虛不能納氣歸源治者不悟而歿惜哉

一男子素厚味胸滿痰盛余曰膏粱之人內多積熱與法製清氣化痰丸而愈彼為有驗修合餽送脾胃虛者無不受害

先兄體貌豐偉唾痰甚多脉洪有力殊不耐勞遇風頭暈欲仆口舌破裂或至赤爛誤食薑蒜少許口瘡益甚服八味丸及補中益氣加附子錢許即愈停藥月餘諸症仍作

此命門虛火不歸源也

肝腎虧損血燥結核等症二

儒者楊澤之性躁嗜色缺盆結一核此肝火血燥筋攣法當滋腎水生肝血不信乃內服降火化痰外敷南星商陸轉大如碗余用補中益氣及六味地黃間以蘆薈九年餘元氣漸復而腫消

一男子素善怒左項微腫漸大如升用清痰理氣而大熱作渴小便頻濁余謂腎水虧損用六味地黃補中益氣而愈亦有胸脇等處大如升斗或破而如茵如榴不問大小俱治以前法



一男子頸間結核大潰年餘一男子鬚間一核初如豆粒二年漸大如桃悉用清肝火養肝血益元氣而愈

舉人江節夫頸臂脇肋各結一核恪服祛痰降火軟堅之劑益甚余曰此肝膽經血少而火爆也彼執前藥至明年六月各核皆潰脉浮大而濇余斷以秋金將旺肝木被尅必不起後果然

脾腎虧損小便不利肚腹膨脹等症三

大尹劉天錫內有濕熱大便滑利小便濇滯服淡滲之劑愈加滴瀝小腹腿膝皆腫两眼脹痛此腎虛熱在下焦淡滲導損陽氣陰無以化遂用地黃滋腎二丸小便如故更



以補中益氣加麥門五味煎服而愈

州守王用之先因肚腹膨脹飲食少思服二陳枳實之類小便不利大便不實咳痰腹脹用淡滲破氣之劑手足俱冷此足三陰虛寒之症也用金匱腎氣丸不月而康

州同劉禹功素不慎起居七情以致飲食不甘胸膈不利用消導順氣肚腹痞悶吐痰氣逆用化痰降火食少泄瀉小腹作脹用分利降火小便瀦滯氣喘痰湧服清氣化痰丸小便愈滯大便愈瀉肚腹脹大肚臍突出不能寢卧六脉微細左寸虛甚右寸短促此命門火衰脾腎虛寒之危症也先用金匱加減腎氣丸料內桂附各一錢五分二劑

下瘀穢甚多又以補中益氣送二神丸二劑諸症悉退五
六又用前藥數劑并附子之類貼腰臍及湧泉穴寸脉漸
復而安後因怒腹悶惑於人言服沉香化氣丸大便下血
諸症悉至余曰此陰絡傷也辭不治果歿

一富商飲食起居失宜大便乾結常服潤腸等丸後胸腹
不利飲食不甘口乾體倦發熱吐痰服二陳黃連之類前
症益甚小便滴瀝大便泄瀉腹脹少食服五苓藿麥之類
小便不通體腫喘嗽用金匱腎氣丸補中益氣湯而愈
一儒者失於調養飲食難化胸膈不利或用行氣消導藥
咳嗽喘促服行氣化痰藥肚腹漸脹服行氣分利藥睡卧

不能兩足浮腫小便不利大便不實脉浮大按之微細兩寸皆短此脾腎虧損朝用補中益氣加薑附夕用金匱腎氣加骨脂肉果各數劑諸症漸愈再佐以八味丸兩月乃能步履却服補中八味半載而康

一男子素不善調攝唾痰口乾飲食不美服化痰行氣之劑胸滿腹膨痰涎愈盛服導痰理脾之劑肚腹膨脹二便不利服分氣利水之劑腹大脇痛睡卧不得服破血消導之劑兩足皆腫脉浮大不及於寸口朝用金匱加減腎氣丸夕用補中益氣湯煎送前丸月餘諸症漸退飲食漸進再用八味丸補中湯月餘自能轉側又兩月而能步履却

服大補湯還少丹又半載而康後稍失調理其腹仍脹服前藥即愈

一男子患前症余為壯火補土漸愈彼欲速服攻積之劑下血甚多余診之曰此陰絡傷故血內溢非所宜也後果歿

一男子胸膈痞悶專服破氣之藥余曰此血虛病也血生於脾土若服前藥脾氣弱而血愈虛矣不信又用內傷之藥反吐血余曰此陽絡傷也後果然

大方世家湖鄉離群索居山妻趙氏忽嬰痰熱治者多以寒涼偶得小愈三四年餘屢進屢退于是元氣消爍庚子

夏遍身浮腫手足麻冷日夜咳嗽煩躁引飲小水不利
肉盡去勢將危殆幸遇先生診之脉洪大而無倫按之如
無此虛熱無火法當壯火之源以生脾土與金匱腎氣丸
料服之頓覺小水潰決如泉俾日服前丸及大補之藥二
十餘劑而愈三四年間平康無恙迄今甲辰仲春悲哀動
中前症復作體如焚燎口肉盡腐胸腹腫滿食不下咽者
四日夫婦相顧束手待斃而已又承先生視之投以八味
丸二服神思清爽服金匱腎氣丸料加參芪歸朮未竟夕
而胸次漸舒陟然思食不三日而病去五六矣嗣後日用
前二丸間服逾月而起至秋初復患痢又服金匱腎氣丸

料加參芪歸朮黃連吳茱朮香痢遂止但覺後重又用補
中益氣加朮香黃連吳茱五味數劑而全愈大方自分其
素命亦蹇剝山妻抱病沉痾本難調攝苟非先生援拯頃
壑未克今不肖奔走衣食於外而可無內顧之憂矣然則
先生之仁庇固不肖全家之福亦不肖全家之感也斯言
也當置之座右以為子孫世誦之不肖嘗侍先生之側檢
閱醫案始知山妻奏効巔末遂秉書紀二九藥之聖且彰
先生用藥之神萬一云吳門晚學生沈大方履文再拜頓
首謹書

脾胃虧損暑濕所傷等症四附食生冷入房

大司徒李蒲汀南吏部少宰時患黃疸當用淡滲之劑公
尚無嗣猶豫不決余曰有是病而用是藥以茵陳五苓散
加苓連山梔二劑而愈至辛卯得子公執余手而笑曰醫
方猶公案也設君避毀譽殘喘安得享餘年而遂付託之
望哉由是禮遇益厚

應天王治中遍身發黃妄言如狂苦於胸痛手不可近此
中焦畜血為患用桃仁承氣湯一劑下瘀血而愈

太守朱陽山弟下部蓄血發狂用抵當湯而愈

一儒者每春夏口乾發熱勞則頭痛服清涼化痰藥瀉喘
煩躁用香茹飲神思昏憤脉大而虛此因閉藏之際不遠

幃幕為患。名曰注夏。用補中益氣去柴胡升麻加五味麥門炮薑一劑。脉益甚。仍用前藥加肉桂五分服之。即甦。更用六味丸而痊。

一儒者體肥善飲。仲秋痰喘。用二陳苓連。益甚。加桑皮杏仁。盜汗氣促。加貝母枳殼。不時發熱。余以為脾肺虛寒。用八味丸以補土。毋補中益氣以接中氣而愈。

一男子夏月入房。食米果腹痛。余用附子理中湯而愈。有同患此者。不信。別用二陳苓連之類而死。

一男子盛暑發熱。胸背作痛。飲湯自汗。用發表之藥。昏憤。謔語大便不實。吐痰甚多。用十全大補一劑。頓退。又用補